



Roar Flatland
roar.flatland@gmail.com

Løyve til å plante fjelledelgran til produksjon av juletre - gnr 11, bnr 3 i Kviteseid kommune

Vi syner til søknaden din av 16. mars om utsetjing av fjelledelgran til juletreproduksjon på gnr 11 bnr 3 i Kviteseid kommune.

Vedtak

Roar Flatland får løyve til å plante inntil 7 500 fjelledelgran (*Abies lasiocarpa*) på gnr 11 bnr 3 i Kviteseid kommune i samsvar med søknad av 16. mars 2017 på følgjande vilkår:

1. planting skjer etter at klagefristen har gått ut og handsaming av ev. klage er avslutta
2. planting skjer innan 1. november 2021
3. trea blir felt før dei set frø og seinast i 2037
4. internkontroll skal bli gjennomført etter § 10 i forskrift om utsetting av utenlandske treslag
5. dette vedtaket skal bli tatt vare på fram til vilkåra er oppfylt og skal bli levert til ev. nye eigarar

Grunnlag for vurderingar

Søkjaren vil plante 7 500 fjelledelgran til juletreproduksjon på 2 felt og planlegg utsetjing av 1 500 tre i år. Det kartfesta arealet er oppgitt til 10-15 daa. Vi har sett på areala på flyfoto på gardskart og kan sjå at felt 1 er hogd etter 2010. Felt 2 er skog.

Fjelledelgran kjem frå det vestlege Nord-Amerika. I følgje Artsdatabanken kan den setje frø frå 30-40-års alderen i Noreg. Spreiing rundt plantefelt er avgrensa. I Fyresdal er fjelledelgran svakt forvilla i beitemark.

Fjelledelgran har låg økologisk risiko (LO) i følgje *Fremmede arter i Norge – med norsk svarteliste 2012* frå Artsdatabanken. Kategorien LO er framande artar med låg risiko som ikkje er dokumentert å ha vesentleg negativ påverknad på norsk natur. Desse artane er ikkje svartelista.

Fjelledelgran er godt egna til juletre i Noreg. Juletre blir normalt hogd etter om lag 10 år. Da har dei ikkje produsert frø.

For å vurdere negative konsekvensar for m.a. for biologisk, landskapsmessig og geologisk mangfald ved tiltaket, har vi undersøkt felte mtp:

- utvalde naturtypar i skog
- freda og prioriterte artar
- hole eiker
- verneområde
- naturmangfald: naturtypar og artar som ikkje er knytt til egne forskrifter
- kulturlandskap
- friluftsområde
- miljøregistreringar i skog
- kulturminne

Viktig naturtype bekkekløft og bergvegg Århusåi ligg omlag 300 m frå felt 1. Det er funn av hagtornsommarfugl (*Aporia crataegi*) nær felte gjort i 1915. Sommarfuglen er i kategori sterkt trua (EN). Det er registrert grus/pukk i felt 1 og noko i felt 2 og eit gravfelt på andre sida av Fv38.

Forskrift om utsetting av utenlandske treslag set krav til internkontroll i § 10:

Den som har fått tillatelse etter denne forskriften, skal etablere og dokumentere internkontroll. Internkontrollen, og dokumentasjonen av denne, skal tilpasses virksomhetens art, aktiviteter og størrelse, og skal utføres i det omfang som er nødvendig for å etterleve bestemmelsene i eller i medhold av denne forskriften.

Internkontrollen skal sikre at virksomhetens ansatte har kunnskap om reglene i forskriften, herunder vilkårene for tillatelse til utsetting, og at det er etablert rutiner for etterlevelse av reglene. Virksomheten skal gjøre dokumentasjon av internkontrollen tilgjengelig for ansvarlig myndighet ved forespørsel.

Internkontrollen skal som et minimum omfatte:

- a) rutiner virksomheten følger for å sikre at kravene i eller i medhold av denne forskriften blir overholdt,*
- b) rutiner virksomheten følger dersom avvik oppstår, og opplysninger om hvem som er ansvarlig for at rutinene blir overholdt,*
- c) rutiner virksomheten følger for å hindre gjentakelse av avvik og opplysninger om hvem som er ansvarlig.*

Vurderingar

Vurderingane våre etter §§ 8-12 i naturmangfoldloven:

§ 8 Kunnskapsgrunnlaget

Kunnskapen om fjelledelgran, det aktuelle arealet og områda i nærleiken er god etter vurderinga vår. Vi mener kunnskapen om naturmangfaldet er tilstrekkeleg til å handsame søknaden.

§ 9 Føre-var-prinsippet

Vi meiner risikoen for uheldige økologiske virkningar er små i denne saka basert på kunnskapsgrunnlaget og siden trea skal bli fjerna før dei set frø. Registreringa av sommarfugl i 1915 er så gamal at vi ser bort frå den. Naturtypen Århusåi skulle ikkje bli påverka av produksjon av juletre. Føre-var-prinsippet blir ikke tillagt stor vekt i saka.

§ 10 Økosystemtilnærming og samlet belastning

Basert på informasjonen vi har, kan vi ikkje sjå at tiltaket legg beslag på eller er ein vesentleg trussel mot stadeigne naturkvalitetar.

§ 11 Kostnadene ved miljøforringelse

Ansvar for eventuelle skader på naturmiljøet ligger hos tiltakshavaren. Kostnader ved å reparere eventuelle skader eller forebygge disse skal bli dekket av tiltakshavaren innen rimelige grenser.

§ 12 miljøforsvarlige teknikker og driftsmetoder

Fjerning av alle trea før de blir berøgt kongler blir vurdert som tilstrekkelig for å hindre spreiing.

Samla sett meiner vi tiltaket har små negative følger for naturmangfaldet og at løyve kan bli gitt. For å unngå spreiing blir det sett vilkår om fjerning av trea seinast i 2037.

Rettsleg grunnlag

Saken er handsama etter

- Forskrift om utsetting av utenlandske treslag til skogbruksformål FOR-2012-05-25 nr 460 med endring FOR-2013-03-15 nr 284
- §§ 7 til 12 i Lov om forvaltning av naturens mangfold LOV-2009-06-19 nr 100
- Forvaltningsloven LOV 1967-02-10

Lover og forskrifter kan bli lest på www.lovdato.no

Tilsyn

Tilsyn kan skje etter § 11 i Forskrift om utsetting av utenlandske treslag:

Ansvarlig myndighet, eller den som er delegert myndighet etter § 4, fører, i henhold til naturmangfoldloven § 63 til § 65, tilsyn med at utsetting av utenlandske treslag skjer i samsvar med bestemmelsene gitt i og i medhold av denne forskriften, herunder tilsyn med eventuelle spredningsområder.

Rett til å klage

Det kan klageast på vedtaket innan tre veker etter at vedtaket er motteke, jf. §§ 28 første ledd og 29 i forvaltningslova. Informasjon om klagerett ligg ved.

Med helsing

Helge Nymo
landbruksdirektør

Liv Aakre
seniorrådgjevar

Brevet er godkjent elektronisk og har derfor inga underskrift

Vedlegg:

Informasjon om rett til å klage